

Sogn Frà Clau de Flüe : per memoria de sia canonisaziun, ils 15 V 1947

Autor(en): **Fry, C.**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **34 (1948)**

PDF erstellt am: **11.09.2024**

Persistenter Link: <https://doi.org/10.5169/seals-882185>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Sogn Frà Clau de Flüe

Per memoria de sia canonisaziun, ils 15 V 1947

Resplendan el vent sut il blau firmament
Glatschers e valladas sils cuolms de sterment;
Sederschan a val ramurond las auas
Sur spundas curcladas da pegns e da fauas.

Igl ei permavera che legr' e consola
Ils cors humans e casa e prau;
Cheu nescha al mund, che lavura, sedola,
Il grond victur che senumna Clau.

Sereins sco la flur della verda prada
El crescha da gust el cauld bi sulegl,
E per la Patria che libra flada
El seprepara ch' igl ei in smarvegl.

Ei fa unviern! Desiart' ei la tiara;
La cufla secatscha ed ei fa stgir.
Cheu ardan ils fiugs all' uiara,
Il bov ded Uri entscheiv' a burlir.

Cheu stat, ferton che la Patria miera,
A miez la mar della forza brutala
Nies Clau e smeina la sontga bandiera
De Cristus, protegia l' uniun federala.

Per tei, o Helvezia, pil Segner siu Diu,
Ei metta perina ils frars en carplina
E stezza la flomma che fug' el burniu;
E la glisch fugenta puspei la brentina.

O uarda! Per tia pasch segira
Descenda da Diu de sulegl in radi:
El lai ils affons, la dunna che plira,
Ed ils cuolms, e sefa penitents sin viadi.

En retratgadat digl uaul el ura,
En profund silenzi, da lunsch dal mund;
Avon il Segner meditond cun premura,
De gl' auter mund el stat sin la punt.

El s' enschanuglia cun l' alva e la sera
E plaida cun Cristus denter stgir e clar:
«O fai descender la pasch, la vera.
Sils pievels oz e senza calar!»

Nutrius sulet dall' eucaristia,
El conta cun gronda vusch: «O dai
Als paupers carstgauns della pasch la legria,
La glisch dai ad els per sempermai!»

Ils onns spareschan! Si' oraziun
Vegn sur la tiara sco benedicziun,
Entochen ch' arriva il pli davos di,
Ch' el di: «Ussa vi jeu bugen murî!»

Ina glisch profunda resplenda sin Clau,
Il vegliurd tut alv, sco ina visiun!
Helvezia! O mira il tschiel bi blau!
Co ti tarlischas en mintga regiun!

Sco surriend de letezia nova,
En fatscha als cuolms ed als lags stat Lucerna;
E da Friburg in giubel semova
E dals palazs dell' antica Berna.

Cun l' alva in cant che vegn da Schaffusa,
E gli rispunda da Basel la vusch;
Losanna, leugiu, en glisch diffusa,
Sesaulza sil lag ch' ins vesa strusch.

Turitg, il marcau de fem e canera,
Ha udiu il cant de nova veta,
Cun ses vitgs rients e las vals en tschaghera,
Nu che la permavera ei gia en pareta.

E Cuera che conta, viers igl orient;
E giu 'l Tessin sesaulza Blizuna.
Risponda ad els dagl occident
Genevra; ed il cant a tschiel resuna.

Ti eis, o Helvezia, diversa ed ina,
Che contas sur lags e cuolms e valladas
Il laud dil frar ch' ha smuttau las spadas,
Il nunzi ch' ha tei salvau per adina.

Per el, lontana dalla nauscha uiara,
Sclarid' el suleagl sco in burniu,
Ti vesas flurenta questa tiara
Il matg, ornaus dal maun de Diu.

E cun la canzun che da tei resuna
S' unescha la Roma universal;
E per tut il mund igl himni tuna
Che rend' a Clau in' honur triumfala.

Sco Roma selegra, selegra Helvezia!
Il grond campion de tia historia
Per nus port' il num de sogn en bellezza,
Interceda per nus ell' eterna gloria.

NB. Questa canzun ei fatga originala per talian d' in professor dell' universitad catolica dil Ss. Cor a Milaun, Michele Gramatica, e translata da Sur C. Fry.